

**Siunnersuut: Siusinaartumik pensionisiat pillugit Inatsisartut inatsisaata nr. XX, xx. xxx 2017 allangortinneqarnissaa pillugu. (Qaffasinnerpaamik siusinaartumik pensionisianik pisartagaqartunut tunngaviusumik pensionisiaqartarnerup atulersinneqarnissaa, siusinaartumik pensionisialinnut kapitali 7-imi ikaarsaarnissami aalajangersakkami pineqartunut 20 pct.-imut malittarisassap atulersinneqaqqinnissaa, angalanermi aningaasartuutit naleqquttut pillugit § 29, imm. 1-ip erseqqissarneqarnissaa aamma § 33, imm. 3, aamma § 36 inatsisip kalaallisut oqaasertaani naqqiineq)**

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisumit saqqummiunneqartoq)

**pillugu**

**Ilaqutariinnermut Peqqissutsimullu Ataatsimiititaliap**

**siunnersuutip aappassaaneernejarnanarut**

**ISUMALIUTISSIISUTAA**

Ataatsimiititaliap suliarinninnermini kingullermik ilaasortarai:

Inatsisartunut ilaasorta Laura Táunâjik, Siumut, siulittaasoq  
Inatsisartunut ilaasorta Nivi Olsen, Demokraatit, siulittaasup tullia  
Inatsisartunut ilaasorta Jess Svane, Siumut  
Inatsisartunut ilaasorta Mala Høy Kuko, Siumut  
Inatsisartunut ilaasorta Debora Kleist, Inuit Ataqatigiit  
Inatsisartunut ilaasorta Mimi Karlsen/Perer Olsen, Inuit Ataqatigiit  
Inatsisartunut ilaasorta Bendt B. Kristiansen, Inuit Ataqatigiit

UKA 2017-imi ulloq 28. september 2017-imi siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Siusinaartumik pensionisiat pillugit Inatsisartut inatsisaata nr. 9. december 2015-imeersup allangortinneqarnissaanut siunnersuut siunnersuutaavoq.

Siunnersuutip pingaarnertut siunertaraa qulakkiissallugu, siusinaartumik pensionisianik qaffasinnerpaamik pisartagaqartut tunngaviusumik pensionisisinnaanissaat, siusinaarluni pensionisiat qaffasinnerpaat 50 pct.-iisa nalinganik, aapparipap qanoq isertitaqarnera

apeqqutaatinnagu. Siunnersuutip aammattaaq siunertaraa siusinaartumik pensionisialinnut 20 pct. malittarisassap atuutilersinneqaqqinnissaa, siusinaartumik pensionisiallip aapparisaata isertittagai apeqqutaatinnagit siusinaartumik soraarnerussutisiaqartoq 20 pct.-inik qulakkeerunneqartarluni.

Tamassuma saniatigut siunnersuutip § 29-iani taamaallaat Kalaallit Nunaata iluani angalanermi aningaasartuutit akuerineqarsinnaaneri erseqqissaatigineqarpoq.

Aammattaaq siunnersuutip siunertaraa inatsimmi paragraffini oqaatsitigut naapertuutinningsut aaqqiivigineqarnissaat. Matumani pineqartulik inatsimmi § 33, imm. 3 aamma § 36.

### **Siunnersuutip Inatsisartunit siullermeerneqarnera**

Ulloq 28. september 2017-imi siunnersuummik siullermeerinermi Siumumiit, Inuit Ataqatigiinniit, Partii Naleqqamiit aamma Demokratiniit oqaaseqartartuisa tamakkiisumik siunnersuut tapersorsorpaat.

Tamanna tunngavigalugu siunnersuutillu sukumiinerusumik naliliivigineqarnissaa siunertaralugu Ilaqutariinnermut Peqqissutsimullu Ataatsimiititaliamut suliarineqartussanngorlugu innersuunneqarpoq.

### **Tusarniaanermi akissutit**

Piffissami 17. maj 2017-imiit 15. juni 2017-imut suliamut matumunnga atatillugu tusarniaavigineqartussanut siunnersuut tusarniaassutigalugu nassiunneqarsimasoq ataatsimiititaliamit maluginiarneqarpoq. Tamatuma saniatigut siunnersuut piffissami tassani tusarniaavikkut [www.naalackersuisut.gl](http://www.naalackersuisut.gl) –ikkut tamanut saqqummiunneqarpoq.

Tusarniaasimanermut tusarniaanermilu akissutigineqartunut ataatsimiititaliaq qujavoq, tusarniaanermilu peqataasunut tamanut qujalluni.

### **Inatsisissamik nalilersuineq oqaasertaasalu iluarsineqarnissaannik pisariaqartitsineq**

Siunnersuut pillugu ulloq 6. oktober 2017-imi ataatsimiititaliaq inatsisissamik nalilersuivoq. Matumani siunnersuutigineqartumi immikkuualuttut siunnersuutillu aningaasatigut kingunerisassaasa peqqissaarluni misissorneqarnissaa paasisaqarfiginissaalu siunertarineqartarluni.

Inatsisartut Allattoqarfiani nutserisoqarfik suleqatigineratigut siunnersuummi oqaatsit atorineqartut arlallit iluarsineqarnissaat pisariaqartoq ataatsimiititaliap uparuaatigaa, tamanna siunnersuummut allannguutissatut siunnersuuteqarnermikkut Naalackersuisunit malinneqarpoq.

**Ataatsimiititaliap siunnersuummik suliarinninnera**

Siusinaartumik pensionisiaqarneq pillugu 2015 Naalakkersuisut aaqqissuusseqqissimanerat naapertuutinnigitsunillu paasisaminnik malitseqartitsisimanerat ataatsimiititaliamit iluarisimaarneqarpoq.

Siunnersuutip siullermeerneqarnerani siunnersuut tamanit isumaqatigineqartoq ataatsimiititaliamit maluginarneqarpoq. Ataatsimiititaliap siunnersuummik sukumiinerusumik misissuina siunnersuummik saqqummiussinermi oqaatsitigut aaqqiisoqarnissaata pisariaqarneranik allannguinnigilaq. Naalakkersuisut allannguutissatut siunnersuummik saqqummiussinissaat pillugu qinnuigineqarput, taamaaliornikkut ataatsimiititaliamit kissaatigineqartoq naammassineqarsinnaaqqullugu.

Siunnersuummut matumunnga atatillugu Siusinaartumik Pensionisiat pillugit Inatsisartut Inatsisaannut Ilitsersuut iluarsiniarneqartoq ataatsimiititaliamit naammagisimaarlugu maluginiarneqarpoq.

Siunnersuut 1. januar 2018-imi atuutilersinneqassasoq ataatsimiititaliap maluginiarpa, taamaattumik pineqartumut kommunini sullissisunut atugassat ilitsersuutit misissorneqarnissaat ingerlanneqartariaqarpoq.


**Siunnersuutip aningaasaqarnikkut kingunerisassai**

Siunnersuutigineqartup piviusunngortinneqarneratigut aningaasatigut kingunerisassai siunnersuummut nalinginnaasumik nassuiaataani allaaserineqarput. Paasisutissat saqqummiunneqartut ataatsimiititaliamit tusaatissat tiguneqarput, aningaasartuutaanerusussatullu naatsorsuutigineqartut 2018-imut Aningaasanut Inatsisissatut Siunnersuummut ilanngunneqarnissaat innersuussutigalugu.


**Ataatsimiititaliap inassuteqaatai**

Tamanna tunngavigalugu siunnersuutip oqaasertaanut aaqqiisoqarnissaanut ataatsimiititaliap qinnuteqaataanut naapertuuttumik allannguutissatut siunnersuummik Naalakkersuisut saqqummiussaqaarpata siunnersuut ilusimisut iluseqartoq Inatsisartunit akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Laura Táunâjik,  
Siulittaasoq



Nivi Olsen




Jess Svane



Mala Høy Kuko

Debora Kleist



Mimi Karlsen  
/v Peter Olsen



Bendt B. Kristiansen